

Protocol no. 36
Sezzüda da marcurdi, 26 settember 2012, 19.00 – 23.15

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann ed Angelo Andina (protocol)

Protocol

Il protocol nr. 35 vain approvà.

In connex cun üna taxa d'ün permiss da fabrica regna malsgürezza regard la taxa minimala. Il Cussagl decida, da sclerir l'art. 9 dal reglamaint da taxas dal Cumün da Sent. La taxa minimala importa fr. 50.--. Il chaschier cumünal vain invidà, da preparar üna proposta per l'applicaziun.

285 830

TURISSEM

radunanza Sent Turissem / chamonna Sur En / tualettas Sur En

La chamonna da lain, chi's rechatta pro'l Bügl süt dess gnir dislocada a Sur En e servir là sco suost per persunas chi spettan l'auto da posta. Per quel scopo vain installà eir ün banc. Las chaschas postalas centralas e la chartera da la posta dessan gnir spostadas pro la chamonna. Uschè vain s-chaffi in quel lö ün pitschen center cumünal. Marianne vain incumbenzada dad pisserar per üna dumonda da fabrica. Ella coordinescha eir las lavurs necessarias.

Reguard üna tualetta publica a Sur En voul il Cussagl introdüer il concept "nette Toilette" chi vain a Ftan praticchè fingià daspö ün temp. Las ustarias rivan lur secrets al public, dimena eir a gliedü chi nu consümescha. Per quel servezzan vegnan ils usters indemnissà dal cumün. Pro las entradas da l'ustaria vain installada üna tabla cun l'indicaziun "Hier finden Sie eine nette Toilette". Il Cussagl decida, da pajar a l'ustaria dal camping ed a la pensiun Val d'Uina fr. 2'000.-- l'on per quist servezzan. Pel rest da quist on survegnan tuots duos manaders dals restorants ün import da fr. 500.--. Quista soluziun spargna al cumün da fabricar üna tualetta publica. Implü es garantida la nettaschia.

289 830

TURISSEM

surdatta proget preliminar e parair dal geolog punts penduossas Sinestra – Zuort

Il büro d'indschegner Büro Mayer ha inoltrà ün offerta per valütar il stadi da las duos punts existentas, elavurar il stüdi per variantas cun 2 o 3 punts novas e per ün preproget d'üna varianta cun 2 o 3 punts novas. Il tet da cuosts importa fr. 15'000.--, sainza ipv. Il Büro ha eir trat aint ün'offerta per üna perizia geologica. Dr. Tomaso Lardelli offriska quellas lavurs per fr. 1'080.-- sainza ipv. In assenza dal capo Albert Mayer conceda il Cussagl ün credit da fr. 15'000.-- per las lavurs da l'indschegner e fr. 2'000.-- pel geolog. Il cumün da Valsot ha confermà, da's partecipar cun 5'000.-- da quists cuosts. Davart dal cumün es re-spunsabel Andri Poo.

290 830 TURISSEM
surdatta proget preliminar Fenga-Sasvenna

Il büro d'indschegner Jon Andrea Könz ha inoltrà ün'offerta per sclerimaints tecnicos, stüdi da va-riantas, variantas sco preproget cun plan da situaziun e detagls necessaris, valütaziun dals cuosts pel proget d'execuziun. L'offerta per las lavurors da preproget importa fr. 8'550.-- (sainza ipv). In assenza dad Andri Poo decida il Cussagl il credit da fr. 8'550.--. Davart dal cumün es respunsabel Men Caviezel.

291 830 TURISSEM
permess d'usteria Pensiun Aldier

Als 20.09.2012 dumonda la Aldier AG, rapreschentà da sar Karl Gross il permess d'usteria per la gestiun dal restorant Aldier. Tenor sias indicaziuns voul el tegner avert il restorant da las 07.00 fin a las 24.00. Il Cussagl conceda il permess. La taxa importa fr. 300.--. In connex cul permess giavüscha il Cussagl, cha'l nouv manaschi coordinescha cun tschels restorants dal cumün Sent las datas da serrada in quel möd, chi'd es averta d'ürant tuot l'on almain ün'usteria in cumün.

292 011 LEGISLATIVA
dumonda Swisscom; publifon

Davo cha'ls "SurEners" han annunzchà, che'ls nu douvran plü ingüna cabina da telefon a Sur En decida il Cussagl, da revgnir sün la decisiun da l'ultima sezzüda. Ella pretenda uossa da la Swisscom, da mantegner la cabina a Sent, da desister però sün quella a Sur En.

293 860 PROVEDIMAINTE ELECTRIC
società dals proprietaris da l'EE

In vista a la radunanza da fundaziun da la società dals proprietaris da l'EE inoltrescha il Cussagl la candidatura dad Andri Poo sco president e'l cumün da Sent sco lö dal secretariat (integrà ill'administraziun cumünala).

294 012 EXECUTIVA
Quadern da dovairs manader tecnic

Per la prüma lectüra dal sböz dal quadern da dovairs nu tendscha il temp da quista sezzüda. Il Cussagl cumünal as raduna in mardi, 02.10.2012 a las 20.00 in chasa cumünala per repassar il quadern in detagl.

295 DIVERSAS SCHEFS

1. **"baggerin" da l'administraziun forestala**

Andri Poo suottametta ün'offerta da la firma Avesco per far il service e diversas reperaturas generalas vi dal "baggerin Typ 301.8". Ils cuosts s'amuntan sün ~ fr. 8'300.00. Il Cussagl pretenda, chi gnüa amo scleri, scha l'ufficina da la firma Frars Koch a Ramosch nu pudess metter ad ir il baggerin. Il silvicultur Mario Riatsch ha intant confermà, cha la firma Koch fess las glistessas lavurs per ün predscha plü favuraivel. El incumbenzescha uossa a quista firma da manar tras las lavurs. Il tet da cuosts ha il Cussagl fixà sün 8'300 francs.

2. meglioraziun, quintes aconto da divers paurs per infrastruttura

Per l'infrastructura privata da divers manaschis paurils nun sun amo gnüts miss in quint ils cuosts davart da la cumischiun da meglioraziun. Il büro Kindschi propuona, da metter in quint ils imports per part considerabels in fuorma dad aquints.

Per imports totals suot frs. 1'000.- : ingün aquint
imports sur 10'000 francs 3 ratas, vuol dir per rata 1/3 da l'import

Men Caviezel pissera uossa per la facturaziun dals quintes e coordinescha l'inchasch tanter la chascha cumünala e'l chaschier da la meglioraziun.

296 011 ORIENTAZIUNS

1. Premi cultural per Leta Mosca.

D'incuort ha la Regenza grischuna onurà a duonna Leta Mosca per seis ingaschamaint cultural. Il capo propuona, da gratular a duonna Leta ed ingrazchar per tuot quai ch'ella ha fat – e farà spranza eir avegnir – per l'ütil public e pel turissem. Il Cussagl decida, da scriver üna charta e da publichar la gratulaziun eir illas chaistas dad infuormaziun.

2. Betreute Ferien Sent

L'instituziun "vacanzas accumpagnadas Sent" invida ad üna apero in occasiun dal 10 avel on da gestiun. Malavita nu po ne Marianne ne tshels commembers dal Cussagl seguir a l'invid als 06 october 2012. Il Cussagl gratulescha in fuorma d'üna charta e's s-chüsa sün quista via.

3. A Sent be rumantsch

Dals 11 fin als 17 november 2012 ha lö a Sent il proget "a Sent be rumantsch". 35 persunas piglian part a quinst'occurenza innovativa. Ils respunsabels dumondan al cumün ün sustegn "material" per 1'000 copchas pels mezs d'instucziun. Il Cussagl respuonda la dumonda in sen positiv.

4. proget forestal via da basa Sur En Sent, sviamaint cun passagi

Il departamaint chantunal da construcziun, trafic e silvicultura annunzcha, cha'l proget surnomnä sto gnir publichà amo üna jada pervi da la ledscha nouva da god. La publicaziun succeda d'ürant l'on 2013.

l'actuar ad hoc:

